



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De epistolis Dionysii Alexandrini episcopi. Cap. XXI.

urn:nbn:de:hbz:466:1-29861

EVSEBII HISTORIAE

illa non modo, ut Græci loquuntur, ἀπότασσις id est absque ullo orationis virtio, sed etiam summa cum verborum elegantia, maximo sententiarum pondere, & concinna elocutionis dispositione perscripta sunt: tantum abest ut vox aliqua barbara, aut Solœcismus, aut imperius & rudis sermo in eis reperiatur. Habebat enim euangelista ut videretur, hæc utraque: & disertum sermonem, & scientiam diuinam: propterea quod dominus ista duo, nimirum donum sapientiae, & donum cognitionis, illi largitus fuisset. Et quanquam hunc, qui scripsit Apocalypsim scientiam & prophetiam animo cepisse, non equidem inficior, eius tamen sermonis proprietatem, & linguam non adeo limate & polite græce loquentem animaduerto: sed modis loquendi plane barbaris, utentem, & interdum etiam solœcismo: quæ quidem in presentia adnotare non est necesse. Nec quisquam me cauillandi studio adductum hæc dixisse existimet, sed solum, ut istarum scripturarum dissimilitudinem accurate distinguerem.

De epistolis Dionysii Alexandrini episcopi.

CAP. XXI.

PRæter epistolas Dionysii supra commemoratas aliæ complures eius extant epistolæ: ut illæ quæ sunt contra Sabellium ad Ammonem ecclesiæ Bernicensis episcopum missæ: & ea quæ ad Telesphorum, & quæ ad Euphranorem data fuit: alia iterum ad Ammonem, & Euporū. Quatuor item libros de eodem arguento, nempe contra Sabellii hæresim composuit: quos genitori suo Dionysio, qui Romanus erat episcopus, dedicauit. Non paucæ præter has sunt illius apud nos epistolæ. Quinetiam libri illius sunt, epistolæ forma, pluribus verbis compositi: ut hi de natura Timotheo filio dicati: Alius de temptationibus, quem Euphranori obtulit. Ad Baslidem porro ecclesiarum Pentapolis episcopum scribens, ait se commentarios in principium libri, qui Ecclesiastes dicitur, consecuisse. Adde huc diuersas & varias eius epistolas ad eundem Baslidem scriptas, quas nobis reliquit verum de Dionysii operibus satis.

De